

Daegnuengx Gou

□ 贵港市覃塘区蒙公镇高占小学四年级 Liengz Cwnszyez/梁城烨

Yawj, laeq lwgnyez youq gwnz dieg ruenz haenx, dwg daegnuengx bouxlawz ne? De couhwdg daegnuengx gou, seizneix cij ndaej 11 ndwen. Naeng-noh hausagsag, yawj yienghde gig caemcingx. Doiq lwgda lumj song aen makit yienghneix ndaemndwt, aenndaeng mbouj hung hix mbouj iq, hoeng, aen-gyaeuj de daegbied hung, ndigah, gou an aen vamingz heuhguh “daeggyaeujhung” hawj de.

“Daeggyaeujhung” yienzxaeuz yawj hwnjbave vnz gig dingh, hoeng, de cix ak doengh raixcaix. Miz baez ndeu gyanghwnz, gou gaenq ninzdaek, “daeggyaeujhung” cix ndiu lo, de benz hwnj gwnz ndang gou daeuj, aeu cik fwngz he va aennaj gou, lingh cik fwngz beng bak gou, myaiz lij ndik gwnz aenndaeng gou dem, gou sikhaek ndiu lo, couh nyoengx de gvaq mbiengj ndeu bae, hoeng, “daeggyaeujhung” cix riugwkwk, lij beng lingxbuh

gou maenhnwt mbouj cuengq, lumjbaenz heuh gou vaiq di hwnqdaeuj caeuq de guhcaemz. “Daeggyaeujhung” ha, gouz mwngz cuengq gvaq daeggo ba, daeggo ngoenzcog lij bae hwnjhag ne!

“Daeggyaeujhung” yienghyiengh cungj raen mizyinx, cijaeu dwg gij doxgaiq de caengz raen gvaq haenx, de cungj roxnyinh gig geizheih. Geiq ndaej miz baez ndeu, gou daiq “daeggyaeujhung” bae ndaw rug vuenh vaqnyouh seiz, de yawjraen denfunghsan cienqfofo, couh angq ndaej “w, w” hemq mbouj dingz, de vix gou, youh vix denfunghsan, lumjbaenz heuh gou daiq de bae loengh denfunghsan nei.

“Daeggyaeujhung” riu hwnjdaeuj couh engq mizyinx lo. Sing riu de gig hung gig gok, baez riu couh loh’ok song diuz heujnaj hung, myaiz rih-byoegbyoeg. De yawj gyoengq mehbaiz diuqfoux seiz,



de hix diuq mbouj dingz, lij riuww dwk bekwngz dem! Danghnaeuz mwngz umj de, de riu seiz lij aeu song fwngz bek najaek mwngz ne!

Baenzlawz yiengh? Daegnuengx gou — “daeggyaeujhung” dwgyaez lwi? Gou caen maq-muengh “daeggyaeujhung” vaiq di majhung, yienghneix, couh ndaej caeuq gou bae guh haujlai saeh mizyinx lo.

(lauxsae son’gyauq Cinz Hungzmeiz)

Gienh Saeh Mizyinx Ndeu

贵港市覃塘区蒙公镇英峨小学四年级 Luz Liengzyouz/陆良燦

Banhaemh yaek ninz seiz, baez gven daeng, henz rwz cienz daeuj sing yiengj “nge nge nge”, geij duz nyungz “ciengqgo” mbouj dingz, dingq dwk simfanz hoz-bongz, gou caeuq dahcej din fwngz cungj deng duznyungz haeb geij giz, humz yaek dai, dou hozndat raixcaix, gietdingh mbouj gaeb sat gij nyungz neix mbouj ninz.


Gaeb nyungz hainduj lo, gou caeuq dahcej byaengq hung song da, hoeng duznyungz lumj caeuq dou guh yahndoj nei, yaek ra seiz ngauez hix mbouj raen. Sawqmwh, yawjraen duz nyungz he douh youq laj riep, haha, dauqdae deng gou fatyienh lo, yawj mwngz buet bae gizlawz, gou laeglemx gvaqbae, menhmenh iet song fwngz, yungh rengz baez bek, hwhw, wnggai deng gou bek dai luba, gou mbe song fwngz baez yawj, mbouj miz saek yiengh, duznyungz deuz bae lo. Yawjyawj dahcej, de gaenq gaeb ndaej song duz lo. Dahcej naeuz: “Mwngz yawjraen duznyungz, gaej gip, menhmenh iet fwngz bae bek, mwh bek aeu vaiq cinj.”

Gou dingq le, youh bae ra duznyungz, aiqdwg deng dou hwk lau lo, ra le haujlai nanz cungj mbouj raen saek duz, gou gangj: “Wnggai dwg mbouj miz luba.” Dahcej ngauzngauz gyaeuj naeuz: “Mbouj, mbouj, seizneix mwngz bae gven daeng.” Gven daeng mbouj yaep he, caen dahraix, gij sing “nge nge nge” youh yiengj lo, gou sikhaek bae hai daeng, hwhw,

song duz nyungz bizbwd douh youq gwnz dingjriep, baezneix gou itdingh gaemh dawz de, gou ciuq gij fuengfap dahcej gangj haenx, laeglemx gvaqbae, heiq hix mbouj gamj ok, iet fwngz baez bek, hahaha, song duz nyungz gwn ndaej imq lai, mbin mbouj ndaej, deng bek ndaej yungzywdyd. Ciuq gij banhfap yienghneix, gou caeuq dahcej dawz gij nyungz ndaw riep cungj siumied liux lo.

Yienzlaiz gaeb nyungz hix aeu gangj fuengfap, guh gijmaz saeh cungj lujlaj mbouj ndaej.

(bouxlauxsae son’gyauq Luz Canghungz)



Henx Ndokmou

贵港市覃塘区蒙公镇高占小学四年级 Vangz Swhyiz/黄诗怡

“Daxmeh, gou aeu henx ndok! Gou aeu henx ndok!” Gou yawj gwnz daiz buenz ndokmou rangfwdfwd de, nyaenx mbouj ndaej aeu fwngz bae nyaeb. Daxmeh lienzmuengz lanz gou: “Duznon dam gwn neix, mwngz ra vanj ha!” Gangj sat, yungh gouh dawh nip gaiq hung ndeu cuengq ndaw vanj, “Caj de langh liengz yaep ndeu caiq gwn ba!”

Daj miz mouraq Feihcouh daeuj, nohmou noix lo, ndokmou bengz lo. Mboengqneix gwn nohgaeq nohbya cungj nywnx lo, gou geijlai ngah nohmou ha! Gaiq ndokmou ndaw vanj nem miz haujlai noh, cingcwtwt youh youzybyub, fwi heiq rangfwdfwd. Gou yawj dwk myaiz hwnjbyoegbyoeg, caj mbouj gib lo, iet fwngz bae nyaeb daeuj couh oet haeuj bak bae. “Aiya, lij log bak ne!” Gou hemqyoyo, song fwngz dawz gaiq ndok bau hwnj bau roengz, aeu bak boq bae boq dauq. Daeuq dwk daxmeh fwt riu hwnjdaeuj, dawh nip byaek doek lo. Daxboh hix riu dwk “a a” doekhoz lo. Daxmeh naeuz: “Gip gijmaz? Singip gwn mbouj ndaej souhndat!” Gou cij ndei cuengq gaiq ndok roengz vanj, caiq caj yaep ndeu.

Gaiq ndok mbouj ndat lo, gou gaem hwnjdaeuj couh ngaux. Yi, noh gwnz ndok lij mbouj siengj lizhai? Gou bak ngaux fwngz beng, beng haujlai nanz cij gwnz daengz noh, doeklaeng noh saek gehheuj lo. Gou youh aeu fwngz bae yaek heuj, yaek haujlai nanz cij dawz noh yaek okdaeuj. Daxboh youh riu lo, naeuz: “Henx ndok aeu miz naihsim, aeu cug di cug di henx, baenzlawz ndaej gwn gaemz ndeu couh bienqbaenz bouxbiz ne?”

Gou dingq vah daxboh le, menhmenh cimz, baez di baez di haeb. Gvaq yaep ndeu, gou dawz geij gaiq ndok henx ndaej seuqsatsat, lienz ndokngviz hix vat okdaeuj cup gwn lo……

Mbouj yungh gangj, gwn ndokmou geijlai feih ha! Hoeng, gou mbouj nyinhnaeuz henx ndok dwg gienh saeh genjdanh ndeu, ndawde miz siengfap, miz goengfou, mboujne, gyoengqvunz vih gijmaz aeu gangj aen cingsaenz henx ndok ne!

(bouxlauxsae son’gyauq Veiz Gyanghbingz)